

天下郡國利病書卷九十四

崑山顧炎武寧人編
成都龍萬育燮堂訂

漳浦縣

邑之田名白沙地比他邑獨磽瘠故科糧稍減而田之
 等有五一曰洋田平曠沃衍水泉常滿先得水一曰山
 田依山靠崖地多瘠薄有水田者其田亦中無水泉一
 者為下又有坑壠之田不憂旱而憂水其田上下
 曰洲田填築而成地多肥美然時有崩決之患一曰埭
 田築隄障湖內引淡水以資灌溉然時有修一曰海田
 築之費且天時久旱水亦鹽鹵其田中中
 其地濱海鹽鹵內無泉水外無淡湖雨暘時若則
 所收亦多旬日不雨則彌望皆赤地其田為下
 之家其名有三一曰大租主共此一田出少銀一曰小
 稅主出多銀買稅免納一曰佃戶出力代耕種名則不
 糧差俗稱糞主

卷九十四

福建四

同價值亦因之今深山中巔崖皆開墾種藝地無曠土
 人無遺力然田土日增而頃畝糧稅日減即國家不盡
 民之財力而弊端所在有司者寧可不察其故乎蓋豪
 戶猾書交相為弊有私自墾田而全不報官者有辟地
 數頃而止報升合者又有隱匿腴田而捏作墮沒者有
 飛詭稅銀而幻去畝籍者夫是以新額無增於前而原
 額日減於後職此之故也今欲稽之其必行丈量之法
 乎

海跨邑之東南彌望無際潮至而網取鮮物者謂之網
 門有深水綱有淺水綱潮涸而手取鮮物者謂之泊網

門之下卽泊也有泥泊有沙泊泥泊產鮮盛沙泊次之網泊以水漲涸爲限各有主者往年濱海民以力自疆界爲已業有之於今必以資直轉相粥質非可徒手博之矣顧其爲值一而利十之明年利輒盈其值環海之利歲收不啻四五千金其所輸官課未及五十分之一也利廣故爭輒起往往鬪奪以必得爲快其勢必歸於巨室彼附海之奸民窺其利也亦時乘間羣起駕舟逞干戈以強捕其所有之物告於官非縮首而竄則聚黨而噪官亦莫諱何也其故皆起於利耳

我朝錢法遇改元卽隨年號各鑄造通用但民間使用

則隨其俗如閩中福興汀卽福寧皆不用錢漳泉延建間用之泉漳所用之錢與延建異泉又與漳異或以七八文或以五六文而各准銀一分漳郡如龍岩漳平亦不用錢其同俗者龍溪諸縣而諸縣所用又有美惡不齊詔安極精漳浦次之龍溪則極惡亦用之又非時制錢乃宋諸年號民間盜鑄傳用者而又數年一變以吾一邑言之嘉靖三年四年用元豐錢七年八年廢元豐錢而用元祐錢九年十年廢元祐錢而用元聖錢十三年十四年廢元聖錢而用崇寧之當三熙寧之折二錢萬曆三年廢崇寧錢專用熙寧錢五年廢熙寧錢而用萬

歷制錢方一年而萬歷錢又置不用用者以低銅而已
萬歷錢厚估一文直銀一釐今三文准銀一釐方其用之也民間惟藏錢凡田
宅蔬菜之屬皆用錢交易契券亦以錢書鄉村自少至
老有不識銀一村之中求一銀秤無有也及其廢而之
他也卽官府屢禁不能挽之曰每一更變則藏錢者輒
廢棄爲銅云今民間皆用銀雖民間亦有銀秤
詔安縣

兵防

蒲葵關百里而遙控潮引潮則浦治之南詔場也周漢
之職方無攷唐嗣聖卽垂拱三年左郎將陳元光筆輅藍

卷九

福建四

三

縷以建州治立行臺於四境命將分戍四省躬巡南詔
保其一也目下游抵潮之揭陽宋置有沿海砦元爲萬
戶府俱調官兵屯守時代湮沒故壘無傳明初仍謂南
詔場宏治甲子十七年冬寇盜充斥地方駭鹿始謂漳
後衛所官軍置守禦南詔千戶所嘉靖十年設詔安縣
治從縣治而東三十里至元鍾千戶所洪武二十年江
夏侯周德興爲備倭而建也所之外城又有南澳遊營
專治水兵距南澳總戎鎮一葦航之與柘林銅山諸營
所鼎峙相望百里之內扎以二所兼領營鎮不可謂無
兵而統兵諸將大則開府建節小亦分府列校不可謂

無將此何論彈丸之安堵以之保障遐荒折衝瀚海而
有餘矣頻年以來鯨氛屢煽戰莽時伏吳平曾一本諸
賊構亂東南二十餘年軍兵莫敢誰何俞大猷戚繼光
兩將軍以客兵入援而後海靜山寧崇禎初年海寇周
老三劉香復發沿海等處地方竄逃則山谷皆滿各處皆然
屠僇則城堡俱空岐頭堡十里內外營所諸軍兵環列也
立視其毒而莫之救毋論民不得而請之官兵不得而
責之蓋所以藉口於鑰城而不肯援乎野營亦駕言於
泛海而不肯援乎陸迨各逼其圍司鑰者或逃城而之
野守汛者多棄海而奔陸征調則交有所委戰守又兩

卷九

福建四

無所效其勢且至於募土兵藉鄉兵鄉兵之藉官無養
兵之費民有餘兵之用豈不甚善但須聽民間之自衛
不宜屬官府之調撥自衛之則民也而調撥之即兵也
既出賦以養兵復出身以當兵棄本業而問戎行兵民
交戾其制決無以善後而多行召募亦未為計之得也
使軍盡有用毋待於兵使軍盡無用亦無庸於兵今衛
所之尺籍繼世糜糈曠而不馭更覓亡命之惡少以為
兵抱石以試之紛呼以閱之其揭旂而奔馳者僅同兒
戲不知養之者何需練之者何為也近口當事者蒿目
時艱塵沿海之隱慮於是有聽縣即制撥守要害之議

此其制甚善要須度營所地方之遠近酌軍兵勞逸之機宜不疲其力而有以耀其武如萬歷甲寅天啓乙丑已行之實效每險置舖更番輪守遠不過數十里多不過數十人合營與所而均調之一歲一人不過十餘日計程責守賞罰隨之軍兵習險要之防而寇盜潛嘯聚之踪其振武修備不猶愈於揭旂而馳抱石而試乎况乎文武合籌則兵民安利害相關則同仇切措置得其宜綠林之豺元海之鯢將縮爪解髻而不敢逞矣故常論之山海之區縱之則滋蔓撲之則力盡何者寇能荷戈而逞不能負耒而耕伏山之寇由於近村之窩囤帆

海之寇由於奸商之接濟及蠡茲之方萌制附近之奸嚴出海之禁彼焉能枵腹而求逞也哉毋論內寇卽如嘉靖之季倭夷內訌能令片帆還者乎向令當事者早從巡撫朱統之議盡法通倭之豪右嚴行保甲之規條閩浙之高枕豈待俞戚而收功也頃者紅夷間至朝泊夕讖不移旬日彼利水而不利陸扼之無使登舟將自銷其食指何況師武臣力之用命乎大約天下之事預而圖者易爲力潰而維者難爲功東南無大盜而有小奸小奸者大盜之漸也惟其小而不足畏故其發也恒足以亂天下涓涓不息遂爲江河理勢固然無足怪者

今日沿海之民以保甲爲故事以小逞爲習慣嘯而往
學而還設財白衛官不能問坊里之間祀神結會者動
數十人計數十方之人忿恚一會鬪起禮讓不能化法
令不能戢緩急有變化爲異類也不難是不可爲寒心
乎故今日之民有亂之萌無亂之形則飭法宜肅也今
日之軍有軍之費無軍之用則征調宜叅也今日之兵
不必廣餉以募民但須選兵而核餉則冒濫宜清也而
後桑土綢繆封豕不突潢池無弄制治保邦之猷其在
斯乎其在斯乎

要害守兵

卷九

福建四

六

縣治叢山阻海寇盜出沒設險守要置爲關隘墩堡或
調官兵協守或召民兵共守關隘以防奸細備寇盜近
衛所處則撥旂軍輪守無衛所處則撥鄉兵把守城堡
舊惟巡檢司及人烟湊集之處設有土城自嘉靖辛酉
以來盜賊生發民自爲築在在有之凡諸關堡俱緣昇
平日久今昔異宜廢圯者多惟要害地方不當廢圯自
鳳山嶺一路至磨西橋等處地險民囂伏存竊發萬歷
甲寅年間漳之防海虛申請每五里置一警舖召銅
山浙營分汛迭守天啓二年六月汛兵撤回派附近居
民把守而責守不嚴去住不以其時其黠者往往藉兵

寇至天啓六年而寇盜之猖獗極矣而知縣朱始建議
詳行撥南詔所軍五十名汛守半沙古林相見嶺深田
舖等處崇禎八年所軍停止知縣王又就近村撥鄉兵
輪守日差快手二名執循環二面巡視督守今復由大
興至雲霄仍調銅山浙營兵一百名汛守通路漸清鄉
兵營兵之防守其得失利害益可睹矣

關隘

南詔把截所 在三都 陳平渡把截所 二所建撥漳州國初置
山所軍守 把今俱廢 分水關 即漳潮巡檢司 古關 半沙關俱在四都
原有兵十名把守 老虎關 窩龍關 關砂嶺 牛掌隘 以上

卷九十四

福建四

七

俱在一都興饒平三 龍過岡隘 在二都興平 溜嶺
饒及時輪兵把守 竹西嶺 俱在三都潮寇流劫海寇登陸俱撥附近鄉民及營所軍兵於此防守

城堡

金石巡檢司城 在五都城周一百十五丈量廣 洪炎
巡檢司城 在五都城周一百一丈五尺東西八尺高一丈五尺
築城係土圍 漳潮巡檢司城 在三都元設於南靖埔
歲久有圯 是為東沈赤山巡檢司洪武二十年改設於此建立石
城天啟中知縣周立改築新城於其南未成而輟城無
居民亦無廨署木司衙居縣治覺察最為不便
此司實漳潮接壤要區盜賊荆棘不可不經理
南陂土堡 在二都 峇頭土堡 寶橋土堡 正德三年築 甲
洲土堡 嘉靖二十五年築 溪南土堡 仙塘土堡 咸英上

堡 仕度土堡

俱在二都

象鼻土堡

距縣治五里乃水口咽喉之處嘉靖中海

寇吳平犯詔堡民阮仕篤等率其族拒守與賊持三日夜賊不能取勝乃解去詔賴以安天啓崇禎之間海寇復至本縣柵木於堡下之江以禦賊舟征軍兵守禦於此

梅州土堡

正德二年築

後溝土堡

馬厝土堡

俱在四都

張

塘土堡

在五都

川陵土堡

同知羅青霄建俱在五都

險隘

葵岡山

在縣東四十五里跨於梁田舖上下兩山相峙號相見嶺有古關隘疊石為之宋為治海道處

海所近以上湖海州後溝諸村豪黠劫掠發浙兵守之距五里餘而至泰興雲霄公館乃詔安雲霄孔道之中天啓丁卯年間郡守餘姚施公准六都保約呈請設鄉兵六十名把總一名領之孔道防守駐大興公館烏山在縣北三十里一路通平和由龍盤石曰進一路通雲霄由水晶坪進一路通本縣四都由馬洋

瓮崗

福建四

八

長田逕而進一路通本縣三都由溪東龍衛而進有叢山幽谷天啓癸亥間沈金目等據巢為寇旬日之中騷動縣治然都是近村奸民影附出劫官軍均知其情密拘附近居民以為鄉導偵其糧盡復出伏其糧路而扼之百戶易彌先為險深入湯其巢穴北薊馬頭諸鄉民望以長戟勁弩遂盡殲之此山乃諸方奸民嘯集之處不可不長 十八洞即濠仔林山在縣北五十里從烏山料理也 嘉靖中出沒進士蔡一楠被擄於處此官兵莫何旅乃散去天啓二三年中烏山賊起營於以為賊窟官兵勤之底定今寇盜雖息而奸慝尙藪一且竊發往事可為明鑒識者且有隱憂矣

六洞 在縣西北六十里聯接金溪諸山舊有銀礦奸民罷之埋塞已久萬歷年間奉勸合開採陵谷為墟商賈雜選豪民假虎鴟張更甚二都之民岌岌更變幸有旨停革民乃安堵今洞已封閉仍以南詔所千戶一員更番守之狀盜礦如故異時開采藪聚能免綠林之嘯哉

白葉洞 在縣西六十里詔安饒平接壤之區叢山峻崖賊倚為巢嘉靖二十七年賊寇陳瑩玉劉文養

出沒潮江之間南贛軍門徽平和知縣謝德明率典史黃瑜與詔安典史陸鈇以象湖小篆鄉兵征勦平之議改設五都洪淡司於此而村落居民遠難於屯札因置營房撥軍輪守今營地被居民侵占應查

河竈徑在縣西八十里峻崖深谷鳥道崎嶇乃二都隸途通南坑社白葉洞峽子崎等處盜賊出沒往來陳瑩王劉文養等構亂白葉此其門戶近多伏莽宜就徑中擇其稍平衍者連舖一區撥兵輪守未至此途三十里是謂平皮徑逾此徑二十里是謂五通宮饒賊張璉僭號時攻掠漳郡皆此徑過今已撥南詔所軍輪守矣

安邊館

墩臺

墩臺即古之斥埃也 明初沿海地方度地理之遠

近置為墩臺撥軍守望賊至烽火為號以便防禦

詔安墩臺 舊志載梅嶺洪淡古樓山三座嘉靖二十八

在洋林乃元鍾對峙原屬元鍾所嘉靖四十二年倭陷元鍾官軍傷殘希弱移寄南詔所今屬南詔所一在洋尾墩萬歷二年元鍾墩臺 舊志在南山東山鹽倉東知縣詹立添設 元鍾墩臺 灣黃碕漸山洋林七座今只有四座曰南山曰東灣曰黃碕曰鹽倉崇禎二年巡海道已議撤東山漸山二座而洋林一座移寄南詔所

南澳遊兵

寨遊之設古未有也洪武二十年為閩海防倭至計遣信國公湯和江夏侯周德興分行海上置水砦三曰烽

火曰南曰曰浯嶼置遊營三曰海壇曰浯銅曰元鍾歲撥衛軍操駕巡哨選各衛指揮才能出眾者充把總領之宏治中海宇晏清倭不爲患民狃承平寨遊俱廢嘉靖四十二年倭寇交訖督撫譚綸巡按李邦珍總兵戚繼光奏復砦遊砦以欽依把總領之遊以名色把總領之元鍾遊聽銅山砦節制萬歷四年巡撫劉堯誨建議改立鍾遊爲南澳遊題受欽依把總視都指揮以重其權聽漳潮副總兵統轄調度澳之東南屬遊哨守澳之西北屬廣東柘林寨哨將專治水兵非汛期月團則泊遊澳輪番出哨汛期則分布防守厚額福哨各烏舡四

十隻官兵一千八百三十五員名自萬歷二十四年至天啓三年陸續裁減外尙存各烏舡三十四隻官兵八百七十四員各遇汛貼駕征操軍四百四十名自天啓末年崇禎初年舡被海寇楊六周三鍾斌劉香等相繼焚燬不復造償崇禎六七年只得奉文裁減二十四隻惟餘十隻十年八月又減二隻止存八隻因餉設隻定哨官四名捕盜十名共官兵七百二十一員名每月支糧銀七百六十四兩七錢歲支銀九千一百七十六兩四錢其貼駕鎮海衛陸鰲銅山元鍾三所征操軍四百二十名俱停止不調

本遊汎地

汎有春冬二期春以清明前起計三個月而撤冬以霜降後起計兩個月而撤期至則整搦舟師聽漳潮副總兵與漳南分守道海防館督發汎地四哨輪守一哨守雲蓋寺等處一哨守青灣等處一哨守娘宮前走馬溪等處一哨守勝灣及前浯等處各有會哨上自勝灣以至娘宮前二哨兵船資籌簿與銅山下砦會下至青灣以及雲蓋寺二哨兵船資籌簿與廣東拓兵防倭兵船會瞭望鯨氛勦捕倭寇自汎守不嚴寇盜無警海上眷有多事矣

一勝灣在啣石灣之海口相去里餘有水源一處無論發迅守汎兵舡俱扎於此可泊東北風舡五六十隻內通詔安外通大海及前浯散嶼雲霄等處小寇屢屢竊發去娘宮前約水程五十里信地次衝一哨兵舡防守一娘宮前可泊東北風兵舡四五十隻一面汪洋一面大山山有水源一處倭寇取汲於此上至鋼山鸞殼澳約水程三十餘里信地極衝一哨兵舡防守一青澳在南灣之外內有大灣河泊南風船數隻其地淺狹出入取水甚難東有墩臺撥兵瞭守其地居民數百家田園數百畝外有小嶼三里至九歸灣九歸灣五

里至金鞍椅地次衝一哨兵舩防守

一雲蓋寺在南灣山之東南可泊西北風舩五六十隻其地出有水源二穴相聯倭寇常出沒於此舊有三寶寺時有雲炁遮蓋故以得名不知建自何代廢址猶存信地極衝一哨兵防守

以上汎地俱屬本遊哨守此外有彭山與南澳相對西至雲蓋寺約四五十里北至勝灣約百餘里順風一潮可到其山有三曰南彭曰中彭曰北彭三山列峙海中周圍各一里許又一小島曰北尖尾四面持危石暗礁可寄泊不可久住中彭上有泉海船過者

必取汲於此其下卽黑水外洋乃商漁同集夷舩必由之處原設遠哨官一員駕舩往來防守以餉詘議裁

接海上防守莫急於舩而所造戰舩大號者官給五六百兩其次亦三四百金每歲脩葺一舩且數十金然皆侵欺隱匿苟且荅應防海使者歲一閱視只壞舩而飾以新灰望之若新整卽之實破潰故其舩隻可泊港不可征戰賊人目官舩爲草坪謂其衝之則立敗燎之則速燼也諸將領亦利舩之速壞冀其新造可以濫支崇禎元年以來海氛屢煽焚燬殆盡當

事者不敢建議更造只飾議裁減并其所謂草坪者而盡去之矣原額四十隻今只八隻狎有叵測如楊六劉香之猖獗不知能以桴筏禦海否也東南半壁未得高枕而卧矣

南澳副總兵

南澳在閩廣之交去元鍾水口約二十餘里洪武中居民負險作亂遂爲賊藪其澳周回六百餘里有青澳後澤夷舩多泊於此而深澳尤險小舩須魚貫而入官兵功勦勢甚掣肘嘉靖中潮州府用木石填塞澳口未幾倭人用善水者撈起木石澳口復通四十年間劇賊訶

卷十

福建四

三

明光會一本林道乾吳平等聚劫出沒荼毒生靈至合兩省會剿始平然餘黨雖敗尙爲賊窩萬歷四年漳州海防同知羅拱辰相視其地議設叅將一員統兵屯札築城三座一在深水澳一在雲蓋寺一在龍眼沙互相聯絡立墩臺瞭望調兵哨守有田三處約五萬畝召軍民給牛耕種可以拒盜寇之險而免輸將之勞計畫甚周自後題設協守漳潮副總兵事駐此地無事坐鎮彈壓有警督兵窮追兼制兩省事權歸海上重鎮也所轄南澳遊兵柘林守備一砦防倭中哨二遊福廣二營陸兵標下額設中軍北總旂牌掌號哨探隊目兵丁

塘健共一百四十一員名

銅山浙營

雖屬銅山而汛守地方俱在詔安故并志之

浙營距銅山城裏許萬歷九年為沿海邊警而設官兵原額裁減外壬子志記存四百五十員各平時則團練彈壓自銅山以至元鍾詔安等沿海油柑嶺鳳山古林等處孔道皆其哨守有事則專聽調度隨賊所向相機征勦

兵事

明朝正統十四年鄧茂七作亂寇汀漳間漳寇乘之攻圍南詔城入閩月耆民涂膺祚肖瑞等計禦之

卷九十四

福建四

五

嘉靖二十五年白葉洞賊陳瑩玉劉文養等據洞及南贛軍門檄平和知縣謝明德典史黃瑜詔安典史陸越等以象湖小篆鄉兵討平之

三十五年有倭寇自漳浦地方登岸屯住詔安及六都後江頭土城焚掠無計漳之倭患自此始

三十六年十二月有倭艇泊於浯嶼尋去潮州澄海界登岸襲陷黃岡土城劫掠詔安地方

三十七年三月有倭寇數百人自潮州突至三都經尾村屯聚殺傷男婦二十七人本年五月倭劫五都東坑口上樓殺掠男婦五十餘口十二月倭由四都至縣治

四關外燒燬房屋二百餘間殺死男婦一百餘口又由劫港西二樓殺掠五十餘口本年百戶鄧繼忠督兵與倭遇於深田隘擒其從陳來成等四人斬其倭首級二顆

三十八年二月倭寇數千自潮州來屯治西潭屯燒燬房屋一百五十七間擄掠男婦九十口殺死四十三人又攻破嶺頭土圍燒屋殺人無計

三十九年六月三都溪東村頑民鍾宗垣等為亂逼攻縣治知縣龔有成撲滅之本年九月內饒寇陷二都赤寨燒屋殺人不計本月又攻大布砦

饒寇卽張璉也

卷九

福建四

五

四十年二月饒寇突至縣北門外擄掠男婦以去後總兵俞大猷督師勦捕副千戶許瀚障斬其偽將占總兵等賊鋒為糜翰論功陞欽依銅山砦把總本月倭寇屯住溪東村突至西關外燒屋殺人三月倭寇數十屯住三都土橋等處知縣龔有成召民兵與戰被殺死六十餘人自三月至五月札住東關外分夥焚劫本年十月倭屯下美村圍後溪寨知縣龔有成發烏銃手助之死守二十日圍解

四十一年六月海寇許朝光犯元鍾所本年十月倭寇數千攻圍本縣木柵知縣龔有成禦退之本月二十二

日海賊吳平引倭賊襲陷元鍾所城百戶羅綸等被執
千戶周華死之

四十二年海寇許朝光自銅山登岸次圍番安土堡殺
擄六百餘人

四十三年倭寇劫點燈山白葉洞等處百戶鄧繼忠討
之擒其倭咕吱咭七咭等又有流寇突至金谿東西沈
等地方千戶張鳳廷督兵勦禦同梁知縣家丁梁錫等
擒其真倭四人通事一人又斬倭寇首級四顆本年五
月賊吳平假以招撫為名人擄梅嶺堡劫掠各村拆毀
房屋數百間載回梅嶺構為賊巢

卷九十四

福建四

六

四十四年吳平入梅州土圍劫掠一空五月攻破厚廣

土圍六月內吳平賊數千圍攻縣城燒燬木柵及西門

外房屋知縣梁士楚禦退之本年巡撫汪道昆決策命

其臬黨陳進卿獻於師諸軍夜從間道夾進大破之賊
遁入南澳繼光追擊之斬萬五千人賊首吳平潛遁
都司傅應加把總許翰障等
率舟師追至交趾洋而還

四十五年三月吳平夥黨林道乾等舡五十餘隻自走

馬溪登岸攻陷五都山南村土圍又攻麻下村土圍焚

殺不計本年吳平夥黨曾一本等舡百餘隻自泊浦澳

登岸劫擄港口等村

隆慶二年九月曾一本夥賊劫掠饒平詔安縣境副

兵張元勳領兵由陸路截殺於鹽埕斬首三百餘級又大敗會一本於大牙灣斬首三十餘級

三年五月內會一本誘倭千餘泊船於雲蓋寺柘林等澳閩廣軍門會兵船勦滅之

五年六月廣賊楊老等大船三十餘隻來泊南澳月餘謀犯廣地僉事梁士楚督同海防同知羅拱辰統發兵船追殺之

萬歷三十二年海賊周四老猖獗知縣黎天祚擒其二魁誘殺於城上以徇賊平

四十六年海賊袁八老大舡數十隻沿劫詔安海濱地方後招撫之

卷九十四

福建四

七

天啓四年賊首麥有章沈金目等在於烏山濠仔林等處聚黨結巢穴流至各村堡夜至縣城外焚掠不數月百戶易彌光率官軍協同鄉民討平之

六年淮寇楊六楊七等船百餘艘直至元鍾勝灣卽石灣等處境兵船二十餘隻仍登岸焚燬居民房屋居舍四十餘間沿劫海濱地方殺殲無計

崇禎元年五月初三日海賊周三老駕船百餘隻泊石澳港內登岸焚屋六十餘間殺傷二十餘人擄去十餘人擁賊衆直抵元鍾所北城下吶喊城上矢砲交下

及鄉兵設伏合攻乃退本年有賊數十人駕小艇直至城外東溪劫擄人人莫敢敵後自退去本年五月初七初八兩日周三老賊舡奄至內港象頭山塘東碕頭西碕頭等處焚掠甚慘西碕頭土城內人遁去僅存十四人賊盡屠之

六年海賊劉香有舡十餘艘沿切詔安元鍾各處殺慘無計本年十月初十夜劉香駕舡二百餘隻泊卸石灣登岸焚屋三十餘間擁至元鍾北城下城上射却之七年有紅毛番舡泊銅山及五都地方焚殺甚慘後被官兵縱火焚之舡燬被擄夷無一人逃者

劇賊吳平四都人爲人短小精悍有智畧爲兒與羣兒牧卽部署諸將號令皆如法羣兒已畏服之往往多奇異已爲人家奴厭之去爲盜盜掠其主人德主人翁善遇之其主母常苦平平合賊以壺水係其兩乳令保身磨麥身動則壺水搖以此爲樂平旣爲盜不肯居人下先後臣賊如許朝光林道乾曾一本等皆驍勇力胆過人然必推平平亦偃然居羣賊上戚南塘號名將猶憚平平所說奇皆與相當號爲勅敵此其英雄必有大過人者平敗遁南灣料大師必追之與其從百餘人駕小舟遁去舟用短橈如今俗名鬻脚橈百人齊盪舟小力

疾雖淤泥淺水其行如飛平竟以此得脫或言林道乾
今在東南海島中平亦變姓名浪遊江湖間皆不可知
然往有親見平鮮衣怒馬在京浙間爲富商人賈平已
炙其面面皆炙瘡人無有識者後平又乘肩輿過故友
處掘取金銀諸寶物後不知所之

平和縣

近來大歇嶺一路萑蒲剽掠商旅路梗害因高山障翳
內爲官寮林木箐黯蔽虧天日人迹往來絕少故強寇
潛聚巢穴出没行劫前路東場鄉兵懸遠應援不及後
路自桑坑葛竹通蘆溪大浦逃竄甚便蘆溪置漳汀巡

檢司所以衛縣但號少設鄉兵統練無人以故勦除甚
難防守不易隆慶六年知縣王立準計擒賊魁李芒白
虎湯秀豺刦掠遂息崇禎十年流賊刦小蘆溪磔官兵
李虬署縣通判朱統鉤率兵親擣巢穴擒斬賊夥湯耀
廷等餘黨遂平

縣蘆溪等處王文成公設縣時原有三團六隘各置隘
夫防守塞大浦上樟溪可塘永定大溪及南靖缸場各
處地方往來路口以截盜賊出入久皆廢弛崇禎六年
知縣王立準修復三團各練鄉兵八十名又議添五隘
申詳院道批允十隘各建柵設寮督夫防守

赤珠山隘 曹充隘 朱公畚隘 根竹隘 三萊洲

隘 王文成舊設 朱統鈇新修 龍過岡隘 仙人洞隘 朱家山隘

拍崧嶺隘 白土嶺隘 以上五隘知縣王立準增設 署縣事通判朱統鈇重修各

隘 捐俸置 有軍器 寶珠經隘口 雙坑仔隘口 赤珠山隘

口 馬渡隘口 高礫隘口 冷水坑隘口 赤石岩

隘口 矮子坑隘口 大窠頭隘口 深渡徑隘口

龍過岡隘口 南嶺門隘口 半地隘口 三角徑隘

口 大伯徑隘口

平和一田有三主其弊肇於南靖糞土大租之設買田者為田主買租者為租主其田原載糧米租主全不收

卷九十四 福建四

平

入戶只將田租之內抽出三分付與兌米人戶代辦條差而兌米之人各曰白兌遞年收租納官謂之米主乃佃耕人戶年供三主之租得不困苦乎哉

按平和田有三主大租糞土之弊總之糧不隨田故也前經知縣劉明德議將逐畝丈量底慎乎則論田凡畝納租幾石田與賦隨凡買糞土者必買大租大租糧米即割入戶使富室無蟠踞之利勢豪無攘取之橫貧佃無蠶食之憂享租者有定賦應役者有實業而官府亦無白兌飛射減米加租之患其法良善卒格不行以山田崎嶇故耳然買田必買大租糧米

卽割入戶此法終不易也

正德癸酉間蘆溪管賊荐及南贛汀漳軍門王守仁以提督至合二省進兵討平之

嘉靖丙午詔安縣白葉洞賊陳瑩玉劉文養寇二省南贛軍門檄平和知縣謝明德率典史黃瑜陸越戊申春正月以象湖小篆鄉兵討平之

己未二月有倭寇數千自潮州來詔安縣雲霄南靖殺無數至平和之清寧里知縣王之澤率兵禦之

辛未饒賊張璉攻城知縣姜遂初協同官兵堅守

巡漳南道金 坐鎮此地提兵進勦俞都督大猷統兵

卷九十四

福建四

三

屯札柏寇嶺討平之

崇禎庚午廣賊葉老婆攻城知縣袁國衡等指揮之

辛未賊首陳剪二聚夥數百據老虎耳山僭稱陳元帥

假至正元年號連攻破土城殺羅登九等約正監生葉

元有舉義旂集家兵購雷首等爲鄉導徑擣老虎耳賊

巢斬剪二於沙坪餘黨奔散

丁丑盧溪山寇湯耀廷等敵殺官兵李虬署縣通判朱

統鈇平之

南靖縣

按南靖土田不經清丈區畝稅糧原無定則奸民乘之

欺隱曰甚開常核通縣田畝不下三十萬其登賦稅者十五萬九千有奇耳此外皆他邑豪所踞者也且所謂一田三主之弊尤海內所罕有一曰大租主一曰業主一曰佃戶同此田也買主只收稅穀不供糧差其名曰業主糧差割寄他戶收田中稅配之受業而得租者名曰大租主佃戶則出貲佃田大租業稅皆其供納亦名一主此三主之說也又有一田而載官米若干在趙甲戶又載民米若干在錢乙戶不成四主乎且貿易相承之時更有以租田詭爲稅田而減米求售者初不過利買者之重價久之糧無從辦則扳告買主收米矣買者

既費高價又收額米兌租無賴之輩往往持此以騙富室或租人在官則不敢扳告而歲久遂爲懸糧故有田連阡陌而戶米不滿斗石者有貧無立錫而戶米至數十石者版籍旣不足據流弊因而愈甚卽賢有司苦心調停亦治其表而已葢經界不正紫陽治漳曰已恨之矣

南靖土壤東連龍泰西接平和南界浦澄北抵龍岩漳平之間田多而沃壤視他邑頗勝第兵燹之後民多流離境內田畝歸他邑豪右者十之七八土著之民大都佃耕自活其他豪得田者憚於立戶當差則又飛詭其

田米每米一斗割租穀或數斗或一石以與詭寄之家使之代納糧差名爲配米大租遂有一田三主之說得租者不能常守又或減米而賣其租遂有虛懸之號訟端紛紛多從此起又賣田者見昔賤而今貴則索買者之增價或一索或再索或屢索其名曰洗業索而不遂則告典借告車估纏訟不已或勢族豪門或欲奪人之產則使賣者告贖而彼從中主之不論年月久近不顧事理可否蓋漳俗縉紳曰勝則田價日高田價日高則趨利者日衆而官民日益多事矣又南靖欺隱之弊視他邑尤不可言蓋靖地廣饒豪右視爲利藪其風俗矯

朴而無勢又復瑣尾豪右殊無顧忌之心故報賦不報賦視聽其方便何如耳未暇遠引旁証且如乙未築城計畝出費本縣但合約保各自報其約內田畝旬月之間報畝二十四萬三千七百有奇查其登版征賦者不過一十五萬九千一百有奇耳况訪得勢豪之田約保所不敢報者尚十之三四也猶爲有法也常竊計較之鄉使南靖之田地得如他處之清丈不致乾沒於權豪則不必如今之七科八科卽上者五升科之次者三升科之下者二升科之可以歲足一萬七千之額官課裕而民困亦蘇惜租米爲梗影罩百端勢口膠轕而不可

返此紫陽所以有遺恨也

邵武府

邵武縣 寨四 隘一

水口砦 在縣東十六都宋紹興二年設元改為水口巡檢麻宇在水之南岩門在水之北今仍其舊

鎮成復城碑云水口北 鄧武之衝要稱險固 拿口砦 在二十都 楊坊砦 在縣

東六 同巡砦 在二十二都以上三砦俱宋紹興二年設元改為巡檢司洪武十年革

黃土嶺砦 在三十都 神宿隘 大竹藍隘 在五十都

光澤縣 關二 寨一 隘十有一

杉關 在九都山嶺石山塹絕僅容單車古稱關西戶 鐵牛關 在二十都 太和山三關

俱唐廣明元年設宋元因之 明 朝洪武二年 大寺砦 年徙太寺砦巡司於安關砦兼守鐵牛關

卷九

福建四

語

在縣西北舊設巡司於此後徙於杉關 鐵牛隘 在二十都 孔坑隘 在十都

山石嶺隘 在七都 風掃隘 在十都 極高隘 在六都 高隘嶺

在九都 羊頭隘 在二十都 關隘 在九都八隘 雲際隘

在二十五都 昂山隘 在二十都 火燒隘 在二十四都

泰寧縣 寨十有四 隘一

盤龍砦 南石砦 在將溪 鍾石砦 在福山下 羊頭砦 濟

龍砦 俱在 虎口砦 在海 麒麟砦 大砦 俱在 刀

背砦 在仁壽 黃茜砦 福祿砦 登雲砦 俱在 青山

砦 在長興 三門砦 在海 茶花隘 在仁安府路通江西

建寧縣 砦五 隘十有六 隘一

軍口砦在赤土堡 西安砦在里心堡唐義寧軍故地

為場宋建隆元年升為縣徙治於臨江之北四年復

砦於此紹定五年又分總領劉繩志武軍守之駐

宋改今各元為西安巡司 永平砦在新城保吉羅

二砦並 將屯砦在縣南將屯保深鎮 羅漢砦在北

在縣西 乾道四年張魏公浚奏調汀州駐札

左翼兵屯戌以禦河白旗之寇即此 朝天隘在鹽

蟠湖隘在上黎保 嶺頭隘在周平堡 兵家山隘俱在上都 小切

隘在新城保 茱萸隘 界頭隘在新城保 兵坊隘 紫雲隘

俱在峇 沙羅隘在靜安保 九傀備隘在隆安保 捲嶺隘在安

坊保 竹溪隘在永城保 禪尖隘在羊掛保 松根下坊逕隘在赤

保上 界牌隘在洛陽保 巢隔在將屯保唐陳岩率民兵於

此以禦巢寇巢為隔絕不能


杉關一線遠通江右乃寇盜從入之區建之兵防茱萸

小切界頭連接廣昌石城寧化汀寇憑之為窟穴正德

嘉靖中屢中流賊之禍倏去突來蠕動難制已事可追

論也

天下郡國利病書卷九十四終



敷文閣藏珍版

卷十四 福建四

三